



Khangdawngte leh Pathian thu : Synod Literature & Publication Board in a published **Khangdawngte leh Pathian thu** (Khangdawng kikhawp puihuaina bu) Rev. Dr. R. Vanlaltluanga in a zik Upa Thualkhawlian in a ledaw hi Kochuam tin a mamaw te'n a man umlo ah Office ah lâk zing thei a hi.



Pathianni Naupang Kikhawp Puihuaina : Pi Lalzuimawii Tlau in a zik Tual Upa Dr. Soilalsiam in a ledaw **Pathianni Naupang Kikhawp Puihuaina Bu** (Khristian Hindan hawi) Synod Literature & Publication Board in a published chu Kochuam tin a mamaw te'n a man umlo ah Office ah lâk zing thei a hi.



Khristian La Bu : Khristian La Bu (Revised & Enlarged Edition) Synod Literature & Publication Board in a published Demy size (pangai) ₹300/- ; Pocket size ₹200/- leh Leather cover ₹800/- Office ah chawk thei zing a hi.

To,

If undelivered please return to - TPC Office,
P.O. Box - 107
D. Phailian,
Churachandpur - 795128
Manipur, India



ESTD. MARCH 2008
APRIL 2024

Hinna Vâk

Monthly Christian Magazine

AN ORGAN OF THE TANGPHAI PRESBYTERIAN CHURCH



KRAWS CHUNG AH JESU THUGEN PASAGI-TE

- Châna khêl ah lungawina a hi
- Khanglaite leh Gamthak nasepna
- Jesu thawkitna lopi zia

Editor : Rev. S. Lama Vaiphei, Executive Secretary

Joint Editors : Rev. P.B Zosapthara, Consultant
: Rev. K. Jama Vaiphei
: Rev. Th. Samuel Vaiphei
: Upa Lalminsang
: Upa S. Lalpi
: Pi Hawipakkim, Secretary, CKNP
: Tv. Lianmuanthang, Secretary, CKKP

Business Manager : Pu Lalbiaklian, Office Superintendent
TPC Office D. Phailian
P.O. Box 107 CCPur-795128 Manipur
Phone No. +91 9089623251
Email - *ehinnavak@gmail.com*

Kum khat lak man : Rs. 150.00

A man pia nuam leh a la thak nuam ten Business Manager kianga hiatsak ding.

A SUNGAH THU UMTE

1. EDITORIAL	01
2. KOCHUAM HUANG	02
3. KRAWS CHUNG AH JESU THUGEN PASAGI-TE	03
4. CHÂNNA KHÊL AH LUNGAWINA A HI	10
5. KHANGLAITE LEH GAMTHAK NASEPNA	15
6. JESU THAWKITNA LOPI ZIA	18
7. THOKIT HINKHUA	22
8. SERMON	
a) Chapa taimang kilekitna	26
b) A dawigual bawl a mit tungte hukdawk sek Lalpa...	30
c) Nang â ding inle a thi em?	33
9. KNP HUANG	36
10. KKP HUANG	37
11. DECLARATION	40

Moderator : Rev. Kamkhotinthang Neihzial
Secretaries : Rev. Thanglianlal (Sr.)
: Rev. Andrew LR Khiangte (Jr.)
Finance Officer : Rev. S. Khaikhawlam
Statistician : Upa S. Thongzalal
Executive Secretary : Rev. S. Lama Vaiphei
Consultant : Rev. P.B. Zosapthara

Hinna Vâk ah thu kisua zosia hi Editor ngaidan a hi suak puai



Pauchapna Thupi:

1. Palm Sunday, Good Friday leh Easter Sunday-te hi hi kitup tak ah Kochuam tin in Thagau lam malzawlina tamtak tawh i mat chiat theina ding in dawn hitiu.
2. Bial tin in Bial Kikhawmpi Thagau lam malzawlina tawh buaina umlo ah i mat chiat theina ding un dawn hitiu.
3. Gamsung buaina ziak ah panlatu pawl chuam chuam ah puitute â ding in pauchap hitiu.

“...lei lam malzawlna’n ei vuk sa nalai” –Pu Khaitinlel

I Bible chun naupang te a nu leh pate thuawi dingin ei zilsak hi (Eph 6:1). Naupang talo ah kingai te zosia hile Pathian chate i hui ah, Pathian thuawi chu i bat uh a hi. Thuawina hi thupiak tiamnei masa pen a hi kit bawk hi. I Bible ah thuawina ziak ah thutiam kipakman lopi tak tak a la dawng ta te tamlo vak en hi tiu:

Noah chate : Shem, Ham leh Japhet te unau pathum in a pau Noah thu a awi ua, phunchiaklo hial ah long a tukpi zal ua a lawman uh kha- a sungkuan ua hukdam a hibep uh hiloin, khawvel gam pumpi kha a unau pathum ua kihawp ding in a piak sa nalai hi.

Isak : a pa Abraham in Moriah tang ah maicham ah lat ding ah a kantawm lai a khan thuawi takin a kidaw ah, a hinna hukdaw bep hiloin, van belanno kha a piak sa nalai hi.

Jesu : thi tiang ah thuzawm in Kraws ah a thuak ah, Pathian in thina kipat a kaithaw bep hiloin, min lak lak ah min chungnungpen a piak sa nalai hi.

A thuawite â ding ah Pathian thutiam chu: nang â dingin phan tin, lei ah la dam le sawt ina ti ah a zawp gual in, Pu Khaitinlel hinle- ei thawksik thawk bep hiloin lei lam malzawlna’n ei vuk sa nalai ati ahin thutiam sawngni zel i muthei uh a hi. Eimau lam ah thupiak chu pakhat bep thuawina a hia, A ma lam ah thutiam chu a sawng a sawng in ei tiam a hi. *“Pathian hepina chu zia hi a hi, a thupiakte i zop uh hi. A thupiakte le a haksa puai”* (1Jn 5:3). Thuawi hi haksa gualin i ngaisek nau ah, thuawilo hi Pathian cha diktak te â dingin a genthei um zaw a hi. Pathian thuawi dingin kipe thak hi tiu.



Kochuam Huang

KKP General Conference

KKP General Conference 13-veina chu March 9-10, 2024 sung in D. Phailian Pastor Bial zintunna'n Jubilee Kochuam Biak-In ah Vaiguan gualtak in Vaihawmna, Kitêlna leh Biakna kikhawpte'n navâk tak ah matzaw a hi. Pathianni zingkal biakna kikhawp in Thagau lam thupi "*La siamtu he zing in*" ti mangcha'n, Rev. Kamkhotinthang Neihzial, Moderator in thugenna a nei ah, Rev. S. Lama Vaiphei, Executive Secretary in Kumpuan 2024, Rev. T. Lalgin Vaiphei in a zik chu hawmna leh latna a nei hi. sunnung biakna kikhawp in Rev. Lalpiaklian, CKKP Leader pawtdawk in thugenna a nei a, Rev. Thanglianlal, Synod Secretary(Sr.) in CKKP puitu thakte (2024-2026) pauchappiakna a nei hi.

Frontline Mess a ding relief piaklut

ITLF ah kipat thu kidawng kochuam tinte'n a lemchang dan dan ah Frontline ah umte

nêk leh châk dawlkhawm ding a lah kiti chu Kochuam tinte'n tawmngai sua ah i piakkhawmteu chu March 18, 2024 (Seppatni) leh March 25, 2024 (Sepkitni) in YMA Hall, Hmuia Veng ah, zia a nuai ah kitâklang gual hin piaklut a hi.

Anchang - 17 bags

Allu - 4 bags

Sum - ₹80,000/-

Office chawl ding thu

March tha leh April thasang ah Kochuam Nibîkte (Palm Sunday, Good Friday, Easter Sunday, Easter Monday) hi Office chawl a hi.

Pastoral Committee hun

Synod Kalendar 2024 ah Pastoral Committee ding hun April 11, 2024 kiti kha kochuamte kiang ah hiatsakna circular a lah kibawl dungzui in April 3, 2024 hi zaw ding a hi.

New Moreh Kochuam vethakna

Rev. P.B. Zosaphara, Consultant leh Rev. S. Lama Vaiphei, Executive Secretary-te chun New Moreh ah i Kochuamte vethakna nei in Palm Sunday Programme a va matpi theiu'i.

“KRAWS CHUNG AH JESU THUGEN PASAGI-TE”

~ Rev K. Neihzial

Moderator

Tangphai Presbyterian Kochuam

Gen hawna: Kraws chung ah khetden hun sung ah khan Lal Jesu’ thugen pasagi a nei a, ziate chu **“A thugen Pasagi-te”** ti zui zêl a hung hi tai. A thugen nunungpen le a hi. A thugen pasagi-te hi Chanchinpha Bu li-te ah kipat lâkkhawm a hi. Matthai leh Marka zik chun Pathian kiang ah Jesu kiko thu a zik ah. Luka’n vang tualthattu a ngaidam thu leh suammang kisikpa chu Pathian kiang ah a thagau a chawldam thu-te a gen hi. Johan zik in a Nu a hopi thu leh ka dangchak a hi ti’ khawvel ah a hinkhua a bei thu a puang hi. Jesu thugente ah kipat hin thilhitheina nasa tak nei leh Pathian in lei mihingte ding ah Lal Jesu mangcha’ lemkuatna kichiantak a mu thei a hi. Phatchuampina i nei ngeiu kinem in **Kraws Chung ah Jesu Thugen Pasagi-te** ngaitua khawm hitiu.

1. “He Pa amau hi ngaidam in, a thilhiu a het lo ziak a hi” (Luke 23:34):

Kraws chung ah Jesu paukam masapen hi a ma sugentheitu, musittu leh khendentute ding ah a pauchapna a hi. Jesu’n *“He Pa amau hi ngaidam in”*

ati hi khawvel ah a hung ziak dik tak chu a hi. *“Ama chun a mite a gilotnau ah kipat hukdawk ding a hi ngal in”* (Mat 1:21). Jesu’n a kiang nai ah umte â ding bep in a dawn pua, nang leh kei â di le a hi. Juda mipite’n zalenna a mu theina dingun Lêngpa

kiang ah chia in a bawnun a dawn puau ah. Lengnu Esther in Lêngpa mâ ah a chipite thasang ah a dawt piak ziak in a thi di te a ding ah zalenna Chanchinpha a mu' (Es.4:16,7:4). Esther dawtna aw Lengpa'n a pawmsak gual in eiu le Pathian mâ ah i dawt theilo laiun Khrista'n ngaidamna ei dawt piakna chun Pa lungthim a kipaksak a hi (Heb.9:12,14). Khrista'n i thasangua ei dawt piak hi a lopi na e!

I nai theilo Pathian lalchutpha mâ ah Khrista, ei dawtpiaktu i nei ziakun Pathian in *"A gitlonateu leh bawsiatnateu he zing ta pu'ng ka"* ati a hi (Heb.8:12,10:17). A thisan ziak ah ngaidam i chan bepu hi loin, van mun ah ei puitung nalai a hi (Heb.10:19-20). Lal Jesu lopina chu a thi di kuan tiang in ngaidamna thu a kiko dawpi ah, a chung ah thil bawl khialte ding in ngaidam a dawt piak nalai hi. Jesu thugen hin ei zilsak nawp chu

i melmate ngaidam di dan a hi. Ama Jesu ngei le mite ngaidam pum in a thi'. Kraws chung ah hukdamna nâ a sep kha Pathian ngaidam thei zia etsakna a hi (John 3:14-15).

2. "Titakzet in ka hil la hi, tu'ni hin Paradis ah ka kiang ah um ding la hi." (Luke 23:43):

A thugen panina hi a kiang ah khetden ah um tualthat panite lak ah pakhat in, *"Jesu, la gam la tun tak leh ei he zing in aw"* ati dawnhu zuina a hi. Zia migilo, tualthat leh suammang, Kraws ah khetden di ngakpa chu a pet pet in Jesu'n Paradis ah a sawl tai. Zia migilopa mamawpen chu Jesu'n a pia tai. *Paradis* hi Persia pau ah kipat lak daw, Huan nuamtak genna a hi. Thuthung Thak ah chun Pathian kiang ah thagau chawlNa mun genna'n mat a hi (2 Kor 12:2-4; Tpn 2:7).

Nang leh kei hin bang gual gitlo bawl leu hinle Khrista angsung ah i kilekit phawt chun tualthat migilopa gual

HINNA VÂK

in van mipite tawh tual khat ah lengkhawm ding i hiu. Khrista hepina angung ah chun migilo pen inle mun a nei a hi. Gitlo kisik suammang khan a thilhi khial zia a puan khan Jesu'n a la lawp hi. Ei unle i gitlonateu i kisik ua ama kiang i zawtu chun Hukdamna mu ngei di ihu ti ei zilsak a hi. Jesu kiang chu Paradis, thagau chawlna mun nuam a hi zing hi. Chun, Jesu thugen ah kipat hin thil pani (2) zildaw thei a um ah. (1) Kua hitaleh a hinkhua bei di kuancha inle a ginchâk chun hukdamna chan thei a hi. (2) Gingtute chu a thi tak leh a thagau chu Paradis ah a chia ngal a hi.

3. "Numei, la chapa kha en in." (John 19:26–27):

Zia thu hi Jesu'n a thi di kuan ah Zilsak Johan leh a Nu Mari kiang ah a gen a hi. Mihing lam ah chun Mari hi Johan nu a hipua, Johan hile Mari cha a hi diak puai. Taksa dan ah Johan in Mari hi a etkawl di himaleh Thagau dan ah chun

nam daidanna um ta lo in, pumkhat, Pathian sungkuan ihu tina a hi (Eph.2:19). Zia aw suak hin mani mamaw eima ngei in kingaitua di a pawimaw dan ei gen hi. *"..Kuan'ne a chanaute leh a diak ah ama insung mite nêk ding a ngaitua piak lo chun, ginna chu a phatsan ta'n, ginglo mi sâng ah gilo zaw a hi."* (1 Ti 5:8). Zia hin taksa' a kilaichinnau a tan thu a genna a hi.

Khawvel dan ah chun thisan chuam chuam, kizawmlo himaleu hin, Kraws ah hin ihi zia kun Lalpa pakhat, Thagau pakhat, ginna pakhat, leh Baptisma pakhat ah um ihu (Eph.4:4-5). Ziazia chun, van lam dan ah chun bang nam ihu em? Bang thisan ihu em? ti sang in Pathian hin la hi em? ti hi a pawimaw zaw a hi. Khrista thina Kraws chung ah a thisan jal ah van kua leh tui ah gingtute ei siam ta a hi (Jn.1:12; Kol.1:13; Eph.2:19). Ziazia chun, kihepi leh kituak tak ah hing khawm di a daw

thu a kilang chian hi. Jesu thugen ah kipat hin a Nu a khawtua dan leh a ngaisakna thu i mu. Zia gual chun, Ama nungzuitute ngei hile ei khawtua nuam zing a hi.

4. “Ka Pathian, ka Pathian, bangatia ei nusia la hem” (Mat 27:46; Mk 15:34):

Zia thu hi Sam 22:1 na pansan ah a gen a hi. Zia tak ah thumal “nusia” kiti hi Greek pau, “*enkataleipo*” chun mihing ahi em thildang ahem tawh kizawpmatna suktan tina a hi. Jesu chun a Pa tawh kikhen di chu a ngai ngamlo a hi. Jesu gamkeu ah ni 40 sung thep ah a um lai khan Pathian in a suhat ding in vansawlchakte a sawl ah. Gethsemani huan ah lungngai tak ah a um lai khan a suhattu ding in vansawlchakte a la sawl kit hi (Lk 2:43). Maleh, Kraws chung ah a thamuantu di leh a suhattu di kuama a umlo a hi. Zia hi Jesu’n Pathian lungnatna ah kipat i suachat theina dingua i zalenna man diu a piak chu a hi (Mk 10:45).

Pathian in a chapa dawitak hi khatvei chale a nusia ngai pua, a lungawina chapa a hi (Mt.3:17,17:5). Maleh, Kraws chung ah khan a Pa chun a nusia ta. Bangziak ah nusia a h’em? I gitlona zosiau Jesu chung ah ngatkhum in a um a, eiu thasang in gilo ah siam a hi tâk ziak in (2 Kor 5:21), Pathin in i gitloneu a en ngam pua, tichun Jesu mel chu a en ngam talo a hi. Eden huan ah kipat a nusia chu nang leh kei i hui ah, i gilo ziakun Pathian tawh ei khendan ta, ama kiang tung thei talo ding in ei siam a hi. Maleh, a chapa mi thiangtho sualna neilo in Pathian leh i kikal ua ei daltu soal chu ei nawimang piak ta, Kraws ah a thi pi ziak in Pathian tawh i kikal un ei khendantu a um talo a hi. A lopina e! I gitloteu pua pum ah Kraws ah a thi ziak in Pathian in a nusia zaw a hi.

Pathian in nang leh kei hi ei nusia a gaw ta pua, i thasangun a chapa a kiheimang san ta, tuhin chu

HINNA VÂK

a zangaina mel vâk tawh eiu lam nga'n a bân a jak sek hi (Rom10:21). Eiu thasangin "*Ka Pathian, ka Pathian, bangatia ei nusia le hem*" ati tâk ziak in meidil ah kiko ngai talo ding a hi. Zia hi Chanchinpha kipak um chu a hi. "*Ama chun i hivei zosiau leh, i natna zosiau a la paw ta'n...*" (Isa 53:4). Gitlo ziaka Pathian lungnatna ama chung in a kibel hi. "*A thisan ziak ah thupha chawina hi ding leh ginna chang ding in Pathian in a guat a. Pathian in a dikna hatsakna ding in , a dawtheina ziak ah nidang lai gitlonate a kihiatlo sak ziak in, ama chu a dik in, Jesu ginna nei chu thiam a chansak hi, ti a kichetna ding in*" (Rom 3:25-26) ti ahi ngal a.

5. "Ka dang a châk hi." (John 19:28) :

Kraws ah khetdente chu ni 2/3 vel a dam sek ua, dangchak leh gilkiâl ziak in a thi sek ui. Jesu ahi leh vang khetden ni'n a thi ngal hi. Tui hinglui neitu'n "*Ka dang a châk hi*" ati mai hi thil mak

tak a hi (Jn.4:14, 7:37-38; Tpn.22:17). Bang ziak ei diam? Mi hausapa'n meidil ah kipat Lazar kiang ah tui vat khat a dawn ah, maleh a mu puai (Lk.16:24). Eden bawsiatna ziaka nang leh kei chan di hile mi hausapa gual hi a hi. Maleh, Pathian chapa, tui hinglui neitu chun i thasang un Kraws ah meidil ah thuak gual in "*Ka dang a châk hi*" ala ti ziak in, nang leh kei in i tiu' a ngai ta puai. Khrista, zia gual ah a kiko hi van tuihing i dawn theina dingu a hi zawi. A lopina e!

Jesu Kraws ah dangchak kha taksa dangchak bep ei pua, thagau ah dangchak ahi ti la he nam? Ama hia di leh Hepi ding ah ei chialna ei vei! Jesu thugen pangana hi Sam 69:21 sukbukimna a hi, "*Ka an ding in gû ei piau ah, ka dangchâk ah dawn ding uain thûk ei piau hi.*" Jesu'n haksatna hi thawkzawna leh kipumpiakna pum ah do di ahi dan ei ziltil hi. A umzia gilzawk chu ahileh a thi ziak hia ding in ei dawi a,

zia chu a dangchakpi a hi.

6. “A kichai tâi.” (Jn.19:30; Mat 27:46 & Mar 15:34) :

Zia tak ah Jesu aw suak “a kichai tai” ti hi Greek pau ah chun “*Tetelestai*” ti a hia. Zia chu sumkawlveina paukam a hi. A umzia chu “**pe zo ta, Bat pe fel ta**” tina a hi. A kichai tai ti hi Khrista’n a nasep di a sêm zo tai tina a hi. Khrista’n i gitlo manu ei piaksak tai. Jesu thugen ah kipat hin a thilsiamte sukdamna thu aki mu. Pathian lungnatna chu a lungawi ta. A hepina, zalenna, thianthona leh zangainate chu a mite kiang in piak in a um ta a hi.

Gen.1:31; 2:1-4 na i et chun Pathian in a nasep a zo ah, pha a sa, a chawldam thu i mu. A thilsiamte chu sual in suse maleh, Kraws-ah setan suksiat theilo ding in Pathian in a nasep a zo ta a hi. Kraws ah a sep zaw tak chu Khrista thisan ah chal det (sealed) a hi ziak in setan in a hise thei talo a hi. Zia chu nang leh kei â

ding ah gitlo man leiba piakna leh hukdamna ding ah ei sep piak chu a hi. Pa’n a sawlna ziak sêm bukim ahi tak ziak in i Hukdampau chu kipakna’n dim ngei in a. Heb 12:2 na chun, “*I ginnau siampa leh subukimpa, Jesu lam chu en zing hitiu; ama chun a malam ah kipakna chu thîl in, mualphona chu ngainêp in Kraws chun a thuak ah, Pathian lalchutpha changlam ah khin a hang kichu ta*” ei ti ngal a. Thi tiang ah ginum di ei zilsak ban in a tawp tiang ah thawkzawna a etsak hi. “*Kidona pha chu ka zo ta’n, kitaisiakna chu ka mualsua ta’n ginna chu ka vawpdet zo tai*” (2 Tim 4:7).

7. “He Pa, la khut in ka thagau ka hun vawpsak hi.” (Luke 23:46):

Zia hi Kraws chung ah Jesu thugen nungungpen a hi. Mihing thi di kuan him him chu a awgit a ngai pua, a awgiu hiat thei ahi lo nung in a thi bep sek ui. Jesu ahile vang a thi di kuan tiang in aw

HINNA VÂK

ngai tak in a kiko dawk ah Pa khut in a thagau a kawlsak hi. Ziagual ah aw ngai tak ah a kiko daw hi thil dang ziak ei pua, a thina hi khawvel hiat a nawp zia a sulang hi.

Gingtute thagau le Pathian khut ah a um tâk ziak in khawitak mun ah le thi leu hin i thagau chu Pathian kiang ah tung di a hi. *“La thi tau ah, la hinnau chu Pathian ah chun Khrista tawh selguk in a um tai” (Kol.3:3) “Kuama’n ei lakpiak pua’n a, keima thu thu ka piak jawk ding a hi. Pia thei ka hi’n, la kitthei le ka hi. Zia thupiak hi ka Pa ah kipat ka mu a hi a tia” (Jn 10:18).* Mawna neilo Pathian Chapa chung ah chun thina hin thu a nei talo a hi.

Thukhakna :

Mi pakhat ziak in khawvel ah gitlona a hung lut ah, mi pakhat ziak ma in khawvel ah hukdamna a hung um kit gual in, Eden huan ah thingkung pakhat ziak in i dinmunu sevek ta maleh thing Kraws ah chun

Lal Jesu zal in Chanchinpha ei hun kiko dawpi kit a hi.

Kraws chung ah Jesu paukam te’n ei kawkmuchu Pathian Chapa Jesu Khrista in nang leh kei gitlonate man pia’n thi tiang in thumang tak in a thuak a hi ti hih a hi. Jesu thugente ah kipat hin mihingte gitlona zosiate ama chung ah a kibel dan aki mu chian ma ma hi. Gingtute’n i melmateu ngaidam akûl zia ei zilti hi. Gitlo kisikte chun bangtik hun inle hukdamna chang ding a hui. Gingtute zosia kipumkhat, kihepitua leh kituak tak ah hingkhawm ding ei daw i a, Pathian in nusia ei gaw lo a hi. A thawk leh a thi ziahte i hiatzing theina dingun dangchak ahi ti hemil puai’tiu. Thinung thagau hi setan suksiat theilo ding in Pathian in Van mun ah ei kawihe piak ta a hi. Kraws chung ah **Jesu Thugen Pasagite** hi i hinkhuau ah **“Tual Chuk”** saklo ding in pan la zing hitiu.

“CHÂNNA KHÊL AH LUNGAWINA A HI”

~ Rev. S. Khaikholam
Kangvai

*A hawi na’i, a hawi na’i,
Ka thagau di’n zia hi a hawi na’i.*

-Horatio G. Spafford (KLB First Edition No.219)

Hinkhua hi a genlawk theilo khawp mai hi. Kipâknate, dânnate, malzawlnate, lungkiakna leh haksatnate chu kineplopî’n i tuak phut ziang sek ua. I hinkhua’u ah i lunggel teu leh bawl ding ah i guanggal teu bang a kisang sang thei hi. Zia gual ah hinkhua ah lungngaina thimpi a zîn lai a le thamuang leh lungawi taka um thei dan hi Horatio leh Job-te chun a la mudawk ui.

1. Horatio G.Spafford chanchin:

Horatio hi lawyer lawting tak mai, business lam a le lawting, sum-leh-pai tamtak nei ah Chicago ah In le-lo buldettak mai tawh khawsa a hi. Chicago ah Presbyterian kochuam Upa le a hi. Chutia inkuan khawsak nuamtaka a um zing lai uh, 1871 kum a chun Chicago khawpi a hung kâng tamai a, Horatio In

leh-lo te haw zosia le a kâng chai vek tai. Zia hun tuam vel ma chun a chapa kum 4 mi le a sîn hi. Kum 1873 a khan England ah Pathian thu lam a kisuk halna mang ding in a inkuan un a kisau a. Horatio a hileh a hun tak ah a sumdawanna tawh kisai ah a umkit tei a ngai ziak in last minute ah ama chiana di lawng ticket chu a cancel a, a zi leh a chanu 4-te

HINNA VÂK

lawng ticket chu cancel diaklo in a chia vaimat sak tai. Chutia lawng ah a chia laiun a lawngu chu lawng dang pakhat tawh kiphu kha'n Atlantic tuipi ah a tum ta. Mithi 226-te lak a chun Horatio chanu 4 te le a pang vek ua, a zi Anna chu a suakcha lak in a pang hi. Anna chun a pawsal message a thawt a, "*kei ngawn suakcha, bang kati di a ta'm?*" tiin. A pawsal chun kinaw tak in England lam a hung zuan ah, a chate thina mun a hung tun phat un lawng Captain chun Horatio thiltuak huaise tak mai hiatthiampi a, a lung bi zawkna di khual na'n "*zia tuamvel chu a hi lawng tuaksiatna mun chu*" a hun ti ta. Zia phat chun Horatio chun Thamuanna AW a hun heta, a lungthim ah thamuanna AW hunglutte chu a zik tha, zia La lopi tak mai chu a hung piang ta'i.

*Muanna'n tuipi bang ka lam
ei zui laiin,
Lungngai tui bang kinawk leh
le;*

*Bang chang ziang leng le zia
he di'n lei hil ta'i,
Ka thagau di'n zia hi a hawi
na'i.*

*A hawi na'i, a hawi na'i,
Ka thagau di'n zia hi a hawi
na'i.*

Horatio leh nang:

Horatio chan siat dan hi a huai se ma ma'i. A In a lo leh sumbûkte a kâk zaw vek nung in a chapa a sôn kit ngala, sawt kihallo a chun a chanu 4 te thakhat pi'n tui ah tuaksia in a sôn kit ngal hi. Haksatnate leh lungjinnate chu a lawm a lawm ah phu kha gual a hi mai hi. A ma â ding a chu thimpi jing a hi pen mai hi. Ziagual ah lungdawn um tawpkhawk dinmun ah a um laitak ah Pathian ah kipat ah thamuanna thu a hun hiatthei mai chu a lopi hi, Bang chang ziang leng le zia ka chansiatnate chu ka thagau a ding ah thilpha a hi dan he ding in Lalpa chun ei hil tai, tiin la lopi tak a hun siam dawk mai hi. A lungngainate chu tui gual in kinawk huk huk ta

hen lang, ama chu banggual lungngaina chang ziang taleh le, zia a chansiatnate chu a ma Thagau thitheilo, kumtuang gam ah a ît a ngai cheng tawh lengkhawm ta ding pen a ding a chun thilpha leh kipak umtak a hung hi tai. Ziagual lungdawnnate tuaklo hitaleh, a thitheilo talo a thagau a ding a chu a dawikhawp leh a kipak takzet na ding ah sem dawk zolo a, zia khawvel ah a hausatnate nawpchen ah a hinkhua mang tum ta ding le hitheilo a hi. Thisûnna mun ah khutbeng ah lâm theite chu mak a bang thim na chu, zia Horatio mu gual ala mu ziak uh a la hi dingdan a hi.

Hinkhua ah haksatna tuaklo i um puau. A bîktak in tuchung gâl ziak ah sungkuan hinna chên neite, In le-lo, nei le-go kihaltum piak leh kisuksiat piak thuak tamtak i um ui, Khenkhatte vang chu a core ah sim man chântate le ihu. Zia hun haksataka kidawmkhûn mailo a, Horatio gual ah muanna thuguk mudaw i guat diu

a hi. Horatio chun Pathian a bêl a, bangkim ama khut ah a kawi ziak in a La châng 2-na a chun *“Khrista chun panpi ka ngaidan a he na’i”* tiin thamuang leh lungawi in a um theilo hi. Lungawi leh thamuang ah i um theilo sek na ziak uhi, i bangkim uh Pathian khut ah nga a, ama i muan zaw seklo ziak uh a hi. Châng 3-na a chun Horatio chun a gitlo zosia kraws ah khetden a hi tâk ziak ah Van khawpi lua ding a hi dante a ngaitua in ama chante hi a ngainep theilo a, a thagau chu kingaikhûn mailo a Lalpa pâk zaw ding in a sawl theilo hi. I tuak i haksatnateu’ akipat ah Pathian i nai zawk diak na ding ua a hung kona le a hi theilo a, tawpkhawk chansia i chanlai ua le i hukdamna chan uh lopitak jia ah a ma chung ah kipakthu gen zaw theilo i hiu’ a pawimaw hi. Châng 4-na leh châng 5-na te a chun a lungngainate Jordan tui pi gual in kinawk maleh, Lalpa hungkit phatleh thamuang taka chawl ta ding a hi ziak

HINNA VÂK

in zia hun chu ngakla tak a thil zing a hi dante a gen hi. A lungawi theina pen chu dan phat tak leh a it a ngai cheng tawh kimu ah, a ma thagau tantu Lalpa tawh muang taka chawl thei ta ding a hi ziak uh a hi. Lei a hin chu kipakna bukim mu theilo ding him i hui a, van a hin chu vang kipakna bukim kei mu ah lungawi leh thamuang ah chawl thei ta ding ihi ziakun zia mun tun hun ding thil ah ngak ah i hun matna teu hin ei thamuan in ei lungawi sak thei a hi.

2. Job:

Job hile channa khela lungawina mutu, mi lopi tak mai chu a hi. A chanchin chu gen tam ngailo a i hiatsa chiat uh a hi. Job lekhabu ah a Thupi leh A thiltup a chun – *“Ziagual khawpa khawvel phatlona dim, chuleh, mi diktatten le ziagual tuk ah gim a thawknau lak a hin, bang tidan ah hatchungnung Pathian chu diktat a hi ti thei a hi diam? tite hi ngaitua thei tak a hi”* tiin

a la gen hi. Job hichu vang a diktatlona ziaka gawtna tuak hilo in, a diktat takluat ziak a Pathian in le a ki atpi a, ziagual haksatnate a la tuaksak a hi zaw hi. A nei a go zosia leh a chate natiang chên ah a um lai in le a petu leh malzawltu Pathian chu a hechian a, a muang a, a bel tun tun a, a zi leh a lawite’n lungthuaina ding thu tamtak genkhum maleu le a kinungchawn diak puai. Pathian in a nei a lamte pekit ding a hi lam chu le a he diak puai. Pathian in a chung ah tung ding ah pha a sak dan hi di’n a gingcha, a pum thawk tawp mai a hi. A thawknate hi haksa a salo hial pua, haksa leh gik a sa ma ma hi. A lawi te’n bang gual in va awimaw leu le, a Tanpa chu a hing hi ti a hiatchian ziak in amau haw chu a thulâk pua, a tawp tiang in a thuak mualsua hi. Banggual in thuak lele a Tanpa chu a hing hi ti a hiat ziak in a lungawi tho tho a hi.

April 2024

Setan thepnate do zo a, bangtik lai ale Pathian thatham ngailo Job chu Lalpa'n a patep hunsung a hung bei phat in a chôn tâk zosia chu a leni ah piakkit in a hung um ta, a nei chu a hung lopi ta khawp mai hi. Belam singkhat leh sang li, sangawngsau sang guk, bawngchal tuak sang khat leh sabilung sang khat a hun nei ta, ziaban a chun chapa pasagi leh chanu pathum le a hun nei nalai hi.

Tuni i chônate'u hi Lalpa'n ama lam ah kilekitna ding ah a hung kona a hithei a, Lalpa'n i ginnau a hung patepna le a hithei bawk a hi. Banggual haksatnate tuak in chôn ziang maleu hin le zia i haksatnate'u chu Lalpa hiatpi ah tuak ihiu ti kihia'n, a ma chu thatamlo in dettak in tuzing leu hin i hina dan dan ah lungawina leh thamuanna a um hi.

Gitlona thisan ah, dikna ah i hin zawk theina ding un, ama ngei chun kraws ah klian a taksa ah chun i gitlonateu a paw tai. Ama beliamte ziaak ah sukdam in la um tau a hi.

(1 Peter 2:24)

A nungzuite chu thu a hil ah, a kjang un, "Mihing Chapa hi mite khut ah matsak ah um ding ahi'n, hun that intiu in, a ni thum ni leh hung thokit ding a hi," a tia.

(Marka 9:31)

Alexander, Caesar, Charlemagne leh ken Lalgam ka din ua; himaleh ka kingaknau chu Sepai hatna a hi. Jesu Khrista chun Hepina'n Lalgam a din a, tuni tiang in mi tamtak in Ama a ding in thi a huam ui.

- Napoleon Bonaparte

“KHANGLAITE LEH GAMTHAK NASEPNA”

~ Rev. Eric Lienlalmuon
Bengaluru

Khristian Khanglai Pawl thupi, “**Thilpha hi ding ah hukdam**” ti hin gamthak nasepna le a huap hi ti a kilang pai ngal hi. Kanglaite’n a ngai pawimaw ding ua kilawm him a hi. Pathian in khawvel ah a na sem ding ahin khanglaite hi a la dawu chuam deu bîk hileh a kilawm hi. Bible i et a hi chun Daniel, Joseph, David, Gideon, Samuel, Solomon, Josiah leh a dang dangte haw ngei khale Pathian in a ko lai khan khangdawngcha ngenchang ahiu hi. Khawvel pumpi ah chanchinpha puanzakna nasep ngai pawimawna leh puaknatna tak tak hung kipatna history i et ahi chun, a tam zaw hi khanglaite panlakna ki bulphu hi in a lang hi.

Kum zabi 17th lai khan German University, Leipzig, Württemberg leh Halle mun ahin tangval Von Zinzendorf kitipa malâkna in studentte lak in Christian khanglaite leh thianthona lampang nasa tak in ahun tuipi ah, *The Order of the Grain of Mustard Seed* kiti pawl min vua in, chanchinpha puanzakna nasep a hung uar ua, university pawlam na tiang in kal a hung

suandawk uh a hi. Zia hin Oxford University le a hung kangkai ah, 1730 kum in John Wesley, Charles Wesley leh a lawite khenkhat tawh kâl khat sung a thumvei, a châng leh li-vei ding vel anngawl in pauchap khawmna leh Bible thu ah holim khawmna a nei zing sek uh a hi. A pawl min ding un “Holy Club” a sa’u ah, awl awl in member le a pung to zel ui. Zia pawl

hung zawm thakte lak a pat chun George Whitefield le a pang ah, hun hung chia zel in Pathian in Wesleyte unau leh George Whitefiel te chu nasa tak in a hung mangcha ta, USA leh England gamsung chanchinpha in nasa tak in a hung zelsuak ta a hi.

Kum 1900-1939 kikal vel a khan, Khawvel hiat thei ding kawp thagau ah halna lopitak a hung tung kit ah. Tangval dâwngcha Evan Roberts Newcastle Emlyn Collage, Wales ah student hi lai ah kipat hung kipan ahi kit bawk hi. Zia halthakna hung tung hin missionary nasepna a hung chawktho nasa khawp mai ah, U.S.A, Wales, England, Brazil, Canada, Chile, Scandinavia, Ethiopia, East Africa, Korea, Norway, China leh India gam tiang in a zelsuak hi. I hiatphâk keilo Europe gam ah collage zillai khenkhat te'n i Lalpa Jesu Khrista chanchinpha puanzakna nasep ala ngaikhawkna zal un India gam

kilkawm a um ei haw na tiang inle zia hukdamna lopitak mai hi i la chang thei uh a hi.

I gamsung dinmun i et a hi chun, Meitei gâl in nasa tak in ei nuai ah, zia gâl ah hapan pen leh thuak nasapente chu khanglaite ahi'u hi. I gam leh nam humbittu ding in khanglai thahatlaite khêl ah dawitel ding dang kua ma a um diak puai. Thei tawp sua ah zia gal i do zing lai ua hin, thagaulam gal le do zing i hiu ti hiatmil puai ti'u. Zia khawvel ah Pathian gam keklian zel ding ah i Lalpa Jesu Khrista'n thu ei la piak dungzui in Kochuam pansan in na i sem zel ua, zia nasepna hin frontline ah thagau galsat ding in Khristian khanglaite ma Pathian in ei kineppi a hi. Gam leh nam humbitna ding ah, genthei haksat khawksalo ah, hinna tiang le chên ngam ah i pan gual ua hin, setan gallian do ding leh Pathian gam humbit leh keklian ding in, i hinna'u hial le chên ngam khawp in Khristian khanglaite

HINNA VÂK

hi vak kipumpiak ta le'ú hin Pathian lung banggual in i su kipak ta diam? Zia phat tak chu leh Elisha suakpa Pathian in a mit a suvak piak ah (II Lalte 6:17), a melmate'ú do ding Pathian sepai tamtak mai kiging sa umte a musak gual khan, ei haw le i mit uh suvak in hung um intin gal ei do piak

ding Pathian sepai simsenlo te chu mu thei bep ding i hui. I gam uh damna ding in kanglaite hin Pathian lung i hawl masak uh a pawimaw hi. Ginna ah Pathian gam la ding leh thagau gal nisin ah do zel ding in Thagau Thiangtho in ei umpi in ei suhat zel ta hen.

SEVEN SOCIAL SINS :

~ T. Upa Soilianmang, Delhi

1. Wealth without work
2. Pleasure without conscience
3. Intelligence without character
4. Worship without sacrifice
5. Commerce without reality
6. Science without humanity
7. Politics without principle

KHAWTÂNG GITLONA SAGITE :

1. Nasemlo ah hausat
2. Khâwksakna/kisûmna bei ah nawpçhên
3. Diktatna bei ah pilna
4. Sêna bei ah biakna
5. Takna bei ah sumdâwng
6. Mikhawtuana bei ah thiamna
7. Thudikna bei ah vaihâwmna/ thuneina

“JESU THAWKITNA LOPI ZIA”

~ Rev. H. Lamthianmuan
i/c Dumlian Pastor Bial

Thumapui: Jesu thina apat Thawkitna hi Khristiante â ding ah, THUGIN kingakna laimugil pen a hi. Thawkitna hi Pathian a pat hukdamna Thuthung piak, kumtuang thutiam sukpingna a hi (Jn. 11:25). Thokit hinkhua umlo ta leh, Jesu ziltîlna, mi suaksual, migilo, mi buak leh thina a pat suachâtna ding bangma a um puai.

Pathian hepina vaiguan, Khrista (Messiah) i ginnau le a thawn hi'n ti'n, zia damsung ah i kinepna'u chu mi lak lak ah mi lungsiat um pen hi ding i hiu. Gingu hinkhua ah Jesu Thawkitna lopi zia tamlo cha thîlkhawm hi tiu.

1. Pathian in Jesu thisan zal ah, Thuthungthak a siam pawmna a hi:

Khawvel in bat i nei ui. Mihing in ditkit zawlo ding khawp ah henkhawl thap thei taklo, suangkul tâna kumtuang ah bat i nei ui (Kol. 2:14).

Thuthunglui ah Pathian pawmtâk kithawina chu Halmang thillat a hi. Zia halmang ding ah kilânte chu mei in a kângtum sek ah, a khûte chu vânlam ah lengto in, Pathian â ding in thillat pawmtâk kithawina gimtuitak a changsak sek hi (Exo. 29:10-14)

Pathian pawmtâk Halmang thillat kithawina i mamaw'u hi (Num. 6:10,11). Pathian Thagau Thiangtho ma-ang ah chun, Gitlo bûkna huaisiatak sawpthiang thei taklo hithiang na ding in

HINNA VÂK

sual kithawina Gan thisan chun a sawpthiang zotalo a hi (Sam 40:6).

Himaleh, Pathian hepina ziak liau liau ah chun, Ama mel pua ah siam Jesu thawkna leh tatna thisan zal ah kithawina hingzing, (kumtuang â ding ah a nunung pen leh a tawpna pen ding in) khawvel tatzawlo Thuthung masa chu nuaisia in Thuthungthak ei siam piak chu a pawmdet ta a hi (Heb. 8:13). Ziaziak bep ah chun, Pathian Thagau in Jesu chu a nithum zaw in a chawisang ah a kaitho ta a hi (Heb. 10:1-18; 1Kor. 11:25)

2. Pathian in Khawvel hi a Dikna'n (Righteousness) vaihawm khum ding a hi:

Pathian ang ah i thiamthu gen ding bangma i nei puai. I thulo khawpmai hi. Gingu hinkhua ah genpiaktu kineilo hileh chu Thiamchanna ding bangma a um puai.

Pumpel theilo i tunna ding Kumtuang Gam pani a um hi; (1) Lalpa Jesu chu la kam ngei in, "Lalpa a hi" ti la puandaw ah, "mithi lak ah kipat Pathian in a kaitho hi," ti la lunggil ah la gin chun hukhin hi ding la hi (Rom. 10:9). Jesu thina pawm ah a thokit ngei hi ti gingu tute chu Kumtuang Gam, Vangam ah Pa angsung ah chun hing in um ding a hi.

Himaleh, (2) Pathian pawl khawitute, a thilthawn piak hepina pawm nuamlote chan ding chu Kumtuang gawtmun ah chun paithâk in um in'au (Mk.9:42-50). Pathian pawikhawina a huatlam tak leh a kidak lam tak thilte chu; mittêt chapo, zuau thei, mawna neilo thisan sua khut, thil phalo suangtuana lungthim, siat bawl ding ah kaljâng, hiatpitu diklo leh Khristian sungkuan ah kituaklona chîtu tute a hui (Tpl. 6:16-19)

Zia gual pumpel theina ding in, i Degree in a neiphaklo, i Go in a chawkzawlo, i Thuneina'n i kitatzawlo chuh i Lalpa Jesu dikna kikawppi zal ah chun thiam chansak ah Thokit in i um thei bep u hi.

Lalpa Jesu dikna zal ah Ama gingu leh zuitute chu; thawkitni ah a mithiangtho sak ah um intin uh, Kum sang lalgam ah vaihawmtu ding in ei pui ding a hi. Khawvel tawh thiamlo chansak ah vaihawm khum ding i hipuau ah, Lalpa Jesu tawh a lenggam ah vaihawm khawm ding i hi zaw'u hi. Khawvel suaksual ah henkol but leh suangkul tâng hizawlo in, Suak apat zalen ding leh henkol busaktu hizaw ding i hiu. "Kuale a sukkhialna ngaidam ah um ah, a gitlona liakhu ah umte chu mi hampaha hiu. Lalpa'n khawlona nei ah a ngailo ah, a lungthim ah mi thepna him him umlote chu mi hampaha hiu." (Sam 32:1&2)

Pathian in a chapa Jesu dikna zal ah chun, nang leh kei le Ama dikna kikawppi te ihtak zia un; Ka mi dik, suak pha leh ginum la bawl phai, la pu kipakna'n luttan ei ti ding hi a thatnawp um talua hi.

3. Pathian in Jesu Thawkitna gual in a chate thokit go luatu a chansak hi:

Gingtute tawpna chu khawvel thina a hi pua, Jesu thawkitna kikawppi ah kumtuang hinna go luatu dingte i hiu (1Kor. 6:14). Kochuam dinna zia chu Lal Jesu'n melma lau umpen 'thina' gâl lopitak ah gualzawna a chan zia a hi (Mat. 16:18). Jesu thawkitna chu, mithi kul kawtkhak inle a nan zawlo, melma nunungpen thina'n le a tuktân zawlo, a chungthu ah kuama'n vaihawm khum ngam leh ding ngam talo ah thuneina sangtak ah a zawna chu zia thawkitna hi a hi.

HINNA VÂK

Gingtu tamtak pawl chuam chuam apat hung seilian himaleu hin le, Kochuam Thugin i ginna suangphum Khrista ah hinna chu, a thina leh thawkitna zia in pumkhat in ei siam a hi (Eph. 4:5). Khrista chu thokitlo a hi chun, i ginnau le a thawn hin tí'n, Khrista ah ala thite kha le a mangthai hita'n au. Zia damsung â ding bep ah Khrista kineppi i hui chun, mi lak lak ah lungsiat um pen hi ding i hi'u (1Kor.15:17-19)

Himaleh, kinepna neilo mite gual ah i lungkham lona ding un, "Jesu a thi hen, a thokit tai ti i taksan uh chun, Ama ah thite chu Pathian in Jesu thawkitna gual in a chate thokit go luatu ei chansak ding" a hi ngal ah. Lalpa Jesu'n la lung uh lungkham kihen keima'n khawvel ka zotai a tí'i. Lalpa ngei chu thupitak leh lopitak ah thupiak kiko thawm ngaitak tawh, vansawlchak

chungnungpen kona tawh, Pathian pengkul gi tawh, vân ah kipat hung ding a hi ngal ah. Khrista ging ah thi tate kha kaitho in um masa'n tí'n uh, hing ah um nalaite chu vânlai zawl ah khin Lalpa tuak ding in, ama tawh kigual in sôm chung ah lakto in um ding i hui (1Thes. 4:13-18)

Thukhakna: Hebrai zik in, Ginna chungthu ah; zia thawkitna chu, Lalpa Jesu leh a Thagau Thiangtho zal ah chun, i kinepna um ngei ah hetna, thil i mitngei ah mu hilo maleh, hetchianna a hi. Ziaziak chun, Jesu thawkitna hi, Cross ah khetden zaw nithum nung ah thawkitna a hi mai hi ti tute a ding in a lopilo maithei hi. Pathian vaiguan lopitak mai kumtuang hinna khawvel in a neitheina ding ah thil lopitak nasep sep mualsuana a hi tia, khualchil tute a ding in vang a lulna leh a lopina mu chian ding in ka gingcha a hi.

“THOKIT HINKHUA”

~ Upa Lalminsang
Hill-Town

“Khrista tawh thi i hi tâku chun, Ama tawh hing di i hui ti i taksangu a hi. Khrista chu mithi lak ah kipat in kaithaw in a um ah, thi kit ta pua’na ti i he ngalun; thina chun Ama chung ah thu a neita pua’i. A thina chu gitlo ziak ah khatvei thina a hi’n, a hinna chu Pathian lam ah hing a hi.” (Romte 6:8-10)

Gingtute â ding ah sual zawna matchak phapen, setan in lê a laupen chu Thokit Khrista thilhitheina hinkhua hih a hi. Zia gual hinkhua changtute chu i hui ti tuni ngaitua thak kit pawimaw i sa a hi.

Matthai bung 4na ah i mu gual un Lal Jesu kha mithi lak ah pat a thawkit masang khan Setan in ngaphaw tak in theitawpsua’n a la thêh hi. Diabol in thep ding in Lal Jesu kha mun chuam chuam ah pui vel in a la them hi ti i mu’ Lal Jesu khan laulo ma ma chu hi’na. Thiampu lalte, sepaite leh mipite mangcha in nasa tak in a sawisa, musit engbawlna tincheng tawh a tawp ah Kraws ah thi tiang ah

khaikâng in a um hi. Lal Jesu thina zo ah thokit hinkhua a nei masang khan nasa tak in diabol sawisak in a um hi. Zia hun lai ah khan a nungzuite a beidawngua, khawvel chu thimpi nasa tak in a tuamvel ah, Lal Jesu gingtute hinkhua ngei kha lê thim nasa tak in a tuam hi. Setan leh a pawlte kha chu zotu hi ah kingai in bawl hawi kisa ma ma dingun a ginchak um hi. Himaleh, Lal Jesu thânthim tak ah mithi

HINNA VÂK

lak ah pat thokit hinkhua thil hithei tak nei ah Pa lopina'n kaithaw kit a hi tâk ziak in melma Setan nanzaw guallo in thina leh thântim chu zo in a hung tho kitta a hi.

Thokit hinkhua thil hitheina nei ah Lal Jesu a hung thawkit phat in mihing taksa an leh tui in a kinga tapua, khawvel dante'n lê a kân theita pua, a utna mun mun leh a nawpna lam lam in a kilâk velta a hi. A tho kit pua'i ti ah melmate'n zuau thu a bawl zosiau chu lê zuau gen a hi ziau a hun pholangta a hi. Masang ah Ama musittute kha zakcha ngawi ngawi in a siam ah, zaw ah um a hi ziau a kihechianua, zolo a hi danu a kichianta ma ma hi. Lal Jesu a kilâkna mun zosia'n mite'n limna leh thamuanna a changua, a chiana mun zosia'n thil hitheina a tung zelsek hi.

Thokit Lal Jesu ziak ah zia khawvel hin Kochuam a hung piang ah, Kochuamte leh Lalpa kizawpna chu bangmacha'n a phel thei

pua'i. Khrista thawkitna thil hitheina chu mi'n ginna in a changua, kumtuang hinna a nei bepu hilo launa di mun ah thamuanna, lungkimlo theina mun in lê lungawina a nei seku'i. Khawvel mite nei phaklo chu tu hin Gingtute'n a nei-ua, dantak leh hung thupizaw sem nalai di a hi. Thina'n a tuktân zawlo Thokit Lalpa hinna chu Gingtute'n a kikawppi theina dingun a kiangun Lalpa'n a piak ziak in Gingtute chun thil hitheina chu a changua, Pathian gam a bukim ah a hung tun hun di ngakla tak in a thîl seku a hi.

Thokit hinkhua thil hithei tak chu khawvel in a mamaw ma ma lai in, mamaw a hi lam a kihiatlo ziakun a helote kiang ah hiatsak a hitheina ding in Lal Jesu'n Gingtute kiang in zia mawpuakna pawimaw tak chu a lân hi. Zia ziakchun Thokit hinkhua thil hitheizia khawvel ah puanzak chu Gingtute mawpuakna a hi. Zia mawpuakna chu hia ah puangzaktute chun thokit hinkhua thil hitheina chu a

tak ah chang in a mu seku a hi.

Thokit hinkhua chu - mite'n khap gaw maleu, "Kei-un vang ka thil mu leh hiatteu hi genlo in ka um thei puau" ti in Peter leh Johan-te khan le Chanchinpha a puangzakua, a kam khat maiua khan le mite'n damna a changua, mithi nangawn lê a la kaitho u'i. Sawlchak Paul ngei khan lê zia Thokit hinkhua thil hithei hih puangzak in mi tamtakte'n damna a changu'i. Lal nasemtute hin Lal Jesu â ding in bawl utlo bangma a nei puau ah, thi lê a kihumu a hi. Hangsan tak in Lal na a semua, a chiana mun zosiau ah vakna a tung zel hi. Van go nei ding in khawvel go thilte bangma'n a ngai puau ah, khawvel nawpsakna leh limnate hih a limpi puau ah, khiak lê a khelâ puau. Thagau mangthaite Jesu kiang ah puilut chu a An tuipenu a hung hita'i. Amau â ding ah hing talo in thisan ah Lal Jesu'n a tatte â ding in a hinkhaw pumpiu khek neilo in a lân dawku a hi. A chung

ah i gen mite Thokit hinkhua changtute bep hilo in tu hun tiang in lê amau gual ah Lal nasemtu gen di mi a um zing hi.

Thokit hinkhua thil hithei zia puangtute chun haksatna leh beidawanna lak inle limna, kipakna leh thamuanna a nei seku'i. Eimau lê thokit Khrista hinna changtute i hi tâk ziakun eimau dawidan leh phasakdan dan ah hin a thiang ta pua, man piak ah chawksa i hitau ah, Lal Jesu thisan lul ah tatte i hiu. Zia ziakchun i taksau ah Pathian i chawihawi dingu a hi (1 Kor 6:20). "A hingte chu amau â ding ah a hinlo-ua, a sikua thi Thokitpa â ding ah a hinzawkna dingun mi zosia sik in a thita'i" (2 Kor 5:15) ti i mu gualun eimau â ding ah hing hitalo in Thokit hinkhua thil hithei tak changtute i hi tâk ziakun Lal Jesu a hungna ziak zia khawvel ah Pathian Lalgam kêklian zel hih i na pawimawpenu a hi.

Sual thî san ah, thi den ziang hilo, thokit hinkhua changtute i hiu ti hia'n Setan

HINNA VÂK

in a laupen zia hinkhua chu mangcha ah khawvel thim salvak ditute i hinau hiatchian sem a pawimaw hi. Taksa khawvel melmate lak ah i gamu humbitna ding in nasa tak ah pan i lâk zinglai-un Thokit hinkhua changtute Lalpa'n mawpuakna a piak hiatmil khak bailam thei ina. Pathian Lal gam kekletna sang ah mihing Lal gam keklet ngai pawimaw zawk theina lak ah chingthei ding in Lalpa'n ei dawi hi. Zia leipêk hih Pathian

Lal Gam tunna mun a hi pua, mihing lungthim sungzawk a hi. Pathian Lal gam tundinna mun chu a galmuang sek hi. “Khrista tawh thi i hi tâku chun, Ama tawh hing di i hiu ti i taksangu a hi” ti i Bible châng tel ah i mu gual un Thokit Lal Jesu tawh hingte i hi tâk ziakun i hinnau chu Pathian lam ah a hi ti hia in taksa lam galzawna bep hilo, Thagau lam ah galzotu hithei ding in Lalpa'n a thu malzawl ta hen.

SUKDIKNA

Khristian Labu (Tonic Solfa) Revised & Enlarged Edition ah **KLB No. 218** (Page No. 231) *“Khawvel tâwp di kuancha a hi ta’i”* ti La hi a Thunawn ah Solfa sukkhial a um ziak in khawk a kisa mama, a nuai ah gual a hin sukdikna a la bawl chiat hitiu.

Diklo -

Thunawn	f	m	f	m	r	d	d	t	d	r	:	r		d	d	:	t	d	r	:	r		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s		s	:	s	
---------	---	---	---	---	---	---	---	---	---	---	---	---	--	---	---	---	---	---	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--	---	---	---	--

“CHAPA TAIMANG KILEKITNA” (Luka 15:11-32)

~ *Upa Genminlun
Pengjang*

Lalpa Jesu tekhinthu gen lak ah Chapa taimang chanchin hi a kichanglâk pawl a hi. Kum 2000 masang ah zia thu hi gen ata, ahinla tuni tiang hin zia tekhinthu hi a chul nai puai. Cha, nu leh pa a pat zalen nuam, a gochan ding dawî leh ngakla a um zing hi. Chapa taimang hin a pa thunuai ah um peilo in, a pa go a dawî hi. Gingtute le i hinkhua Pathian thunei sak nuam lo in, a malsawmna bep dawî khak thei a hi. Zalenna hi Pathian kikawl sak na tawh a chiakhawm pha pen a hi. Chapa taimang pa hi ama dawidan in khawsa'n a nei zosia a chân hi. Zalen tak ah khawsak nawp ziak in sual suak in a lut ah, mi suak in a pang kit hi. Khawvel nawpchenna bep ngaitua in a dawitelna Pathian a panlo ziak in a bawl khial hi. Pathian i dawitelna pansak a ngai hi, zia chun i lampite ei siamphat piak intin, eima hat na i zawlo te Ama hatna zo thei hitiu.

Chapa Taimang tekhinthu leh a hinkhua pha zaw di a hin pa khat chun a chapa hi. A nei zosia le chânlo ding dawt gual in a gochan ding a hi. Haksatna leh gentheina chu a pedawk hi. A chapa tamtak thuaklo ding a hi. chun khual gamlatak ah Tunî gingtute le Pathian in chia'n khawvel nawpsakna i dawtteu ei pe kim ta leh te'n a go zosia a mang zo tai. Chapa taimang pa gual hin A pa'n a dawtna phal piak da i hinkhuau i kineplo gual tak

HINNA VÂK

hithei a hi. I dawi zosia i neilo uh le vangphat na khat hin a, zia ziak a hin le kipak thu gen hi tiu.

Chapa taimang pa hi nitin kilaw ah nek a hawl tai. Mi vawkcha an pia'n a pang a hi. Lal Jesu Tekhinthu ngaithatu Juda te'n Vawkcha hi a tèn ma mau a hi. Vawk an pia kilaw chu sepna nuainung pen in kawid ding a hiu. Chapa taimang pa hin vawk an pe bep hilo in, vawk-an tiang ducha hinkhua a mang hi. Lal Jesu'n a dinmun kiak niam dan a etsak hi. Zia hun a chun chapa taimang pa hin a pa In a nawp dan a hun gel dawk hi. A pa hepina geldawk in, a pa kiang lam ah kile kit ding in a kisa tai.

Tuni sungkuan mite hin i suapi, i -u leh nau, i cha te'n a bawl khial nung ua, a beidawn pen hun ua, i kiang lam un kisik in a hung zuan ngam diam uh? Zia tigual hun ah beltâk ding chun i um diam ti i kidawt ding a pawimaw hi. Cha gilo kilekit ngamna nu

leh pa leh sungkuan mi i hiu em? Chapa taimang pa hin a pa hepina a hechian ah, zia chu a hung zuan kit hi. La hepi te'n la hepina a hetchian uh a pawimaw in, la hepina chu a bel thei ding ua la kawid a ngai hi. Nu leh pa te'n chate hinkhua huapzo ding hepina kawid piak thei leu nu leh pa hi na ah lawtinna a hi. Chate chu a damsung uh dai ding hepina pe le chun, a hinkhua ah tâksap-beidawn ni, lawsap leh vangsiat ni chuleh lusûn-liangvai ni leh zia hepina chun kinga'n a hinkhuau siamthak zel thei in nau.

Pathian hin ama â ding hilo in, mihiamte i phatna ding un ei hepi a hi. Enle eima â ding bep ah mi hepi ding hilo in, mi â ding ah, amau phatchuampi ding in i hepi a pawimaw hi.

Zia gual ma chun sungkuan bep hilo in, Kochuam mi Biak-In gamlatte Kochuam sung in a kibualna ding un Kochuam chu a kihawng zing a ngai hi. Kochuam mi kisuk-hat tua zing a pawimaw hi. Gingtute

châu leh basap ni a um sek hi, zia hun chun kihihat tua a pawimaw hi. Sual ngaidamna Pathian a pat chan zing a hi gual in, Kochuam hinle hepi tak in Kochuam mi zosia a huam suak zing a pawimaw hi. Kochuam hin Kochuam mite Pathian naisak zing pawimaw ma ma a hi.

Chapa taimang pa hin a dinmun siat pen hun in, kingaisia a um lai in, a dinmun en in “thil ka hi khial tai” ti a hung ki hedawk hi. Suanlam bangma siamlo in a dinmun ah siatna zosia chu ama bawl khial ziak in a pawm hi. I hinkhua lunggual ah a umlo phat leh suanlam ding tamtak a um thei sek hi. Nu leh pa te’n ala etkawl dan diklo ziak, suapite phatlo ziak leh a lawi leh pai-te ngaw thei ding a hi. Ahinla, ziate haw zosia chu ngawlo in ama chu a diklo in a kikawi hi. Zia pat chun kisiampnat na chu kipan thei ngal a hi. I hinkhua phatlonate mi dang ngaw thei a hi, ahinla la hinkhua siampnatu ding chun midangte mawpuakna

pe theilo ding la hi, nangma la kipat ngai a hi.

Chapa u-pa zawk pa hin a naupa chung ah Luai kibawl chu a het phat in a lungna, a pang nuam tapuai. Zia phat chun a pa hung pawt in a hung thêh hi, “Ka chapa, ka kiang ah um zing la hi lam, ka nei zosia hi nang â a hi. Zia la nau hi a thisa hing kit ahi’n, a mangsa kimu kit a hi, zia ziak chun, kipak in limna i bawl ding him uh a hi.”

Chapa u-pa zawk gual hin kigel theina tamtak a um hi. Sep leh bawl ah kithâda ngailo, thumangtak ah um, gim leh chawl khawksalo ah sungkuan leh Kochuam â ding ah panlak lai in, kuama hetphaklo gual in a kilat chang um thei in a. Dawisakna leh ngainatna kilawmlo tak ah a changlo di te’n a chang u’i iti nawp hun bang um thei sek a hi. Pathian go luatu ihu ti i kihiat zing diu a hi. Hepina nei zing chu Pathian lungput a hia, ei mau inle hepina i nei zing diu a hi. Sepdaw tampi nei, tâng

HINNA VÂK

chawn thei na di khawp ginna nei maleh hepina neilo chu bangma lo mai a hi. Chapa u-pa zawk hin a pa hepina he thiam leh, aman le a suapipa thutan khumlo in; lainatak in ala lamtua in, a hepina sulang zaw ding a hi. Pathian hepina i hiatthiam phat leh i sepna a pat lung-awina nei thei hi tiu. I umchan leh thilbawl te'n Pathian hepina sulang thei hi tiu in, Pathian lopina pe thei hi tiu.

Luka 15-na Tekhinthu pa-thum te - Belam mang tekhinthu, Dangka mang tekhinthu leh Chapa taimang tekhinthu te hi Pathian ei hepi dan leh ama kiang ah ama dawigual bawl ding ah ei dawi dan taklat na a hi. Isai lekhabu

chun, "I leng un belam gual in i la vak mang zo tau ah, ei mau nawpna lam chiat in i la vak mang zo tau hi" a tia. Pathian hin ama lam ah kilekit ding in ei dawi zing a hi. Khawvel buaina leh سوالنا thawmgit lak a hin, la lunggil in Pathian hepi na'n a hung ko zing hi. Lalpa Pathian hepina chun ei zui zing ah, i dukdaklona-te chu ngaidam ding in a kisa zo zing hi. Hepi tâklo ah i kigel lai in le, Pathian ei hepitu a um zing hi. Gitlona leh سوالنا te sang ah phalo zaw chu Pathian kiang lam ah kile kit theilo na a hi. Ama kiang lam ah kile kit in, a hepina bêl-te chu a hinkhuau siamthak piak intin; a hinkhuau bukim sak ding a hi.

Thafam khulsin ka chan masia zia **kraws** chu
kawlchak zing ingka tin, **Lallukhuk** tawh ka then
masia tuzing ing ka.

“A DAWIGUAL BAWL A MIT TUNGTE HUKDAWK SEK LALPA CHU I PATHIAN UH A HI”

(Matthai 25:11-12)

~ Pi Thianneilian @ Th. Ashy Vaiphei
S. Munnuam

*Ziazaw chun, nungak dangte kha le a hung tung un, Lalpa,
Lalpa, kot ei hon in, a hung tiu a. Himaleh, ama chun, titakzet
in ka hil la hiu, nanghaw ka hun he'kha puai, a la ti san tai.*

Kua la hi a hun hiatlo ziak ah kot khâk khum in la um ziang kha
diam? Nungak thiangtho chiat mi 10-te lak ah Lalpa'n mi 5
te chu a la heta pua, kisazosa um midangte chu tawh kichenna
ankuang ûm ding in a lut tau a hikha. Zia ni khel khel ah a mit
tung ah a la umlo gingtu hi'khâk ding hih a khawk ding sam e!

Khawvel siamtîl apat kidona
hi a la umta, zia kidona huaisia
apat hukdaw ah um theina chu
Lalpa mit tung ah umna bep hi
a hi sek hi. Bang ziak ah kidona
i tite hi khawvel ah hung piang
sek ahem ti sui ding hileu hin,
Thanhuaina, Hiamngamna,
Chapona, Kinawptelna,
pathian dang biakna ti leh a
dang tamtak gen ding um nalai
ding a hi. Ziate ziak hin Lalpa

lungnatna Khawvel hin a hung
piang sek hi.

1. “Pathian mit mu in lei
hi siatna'n a dim ah;
hiamngamna ngen ah
dim ahi tai” atia, Khawvel
hi sukman a gawta a hi.
Hiamngamna ah dim a la
hilo leu Lalpa lungnatna chu
mihingte chung ah kuangzâk
lo hial ding a hi. Himaleh, zia
hun lai chun Lalpa mit tung

HINNA VÂK

Inkuan khat a la um ua, amau chu Noah-te inkuan ahiau. Lalpa chun a mit tung Noah kiang in, a lungnatna huaisia apat hukdaw ah aum theina ding lampi a kawkmua, zia chu Kuang tuk a hi. Thupiak a dawn gual in Noah chun a bawl ta, Lalpa lungnatna tuilet apat khan a inkuan un hukdaw a la hitau. Hiamngam tak ah hinkhua a la mangte ding in Lalpa'n kot a khâk ta a hi.

2. Amau chun, "Kisau in, khawpi siam hitiu; chuleh, In sâng vân supha hial ah sâng in bawl hitiu in, i min uh thansak hitiu; achutiloleh, lei chung zosia ah hin thejâk in hung um kha tawl hitiu," a tiu a. Zia thu hi Chapona thangko i tilo thei puau. A kisuang ua, a kisuanna'ua chapopi in vân supha hial insâng sak a guau a hi. Zia thu i sim zing lâi ua ka ngaituana hung kilang mama mai chu, 'Pau dang umlo, insung khat gual ah kilunggual tak ah a khawsak khawm thei na'ua khan lopina zosia Lalpa a la

pia hileu aw' ka la tivawng vawng mai hi.} "Lalpa mit chu ama kichate chung in a chu sek ah, a ngilneina' kimgate leh, a hinnau thi'na lak ah hukhing ding leh, kial hun ah le amau vêng bit ding ah, kinemte chung ngei ah chun" ti thuguk a la hiatlo zia un buaina namenlo a tuak ua, a thupuk na'ua hawitak chu a lawsam tamai a hi.

3. Sodom khawpите gitlona huaisia tak zia kha Lalpa lungnatna a kuangzâk a hi. "Zia khawpi ah mite sualna thuak zolo ah kiko thawm hi, Lalpa ma-âng ah a tun nasat ma ma tâk zia in; zia khawpi hi hi'mangthai ding in Lalpa'n ei sawl uh ka hiau" ti'n Lot kiang ah kha a gen ua, chuleh, sawl ah a um gual in Lot inle a mâkpa hung hi'dingte kiang tiang ah kha, Khawpi hin Lalpa lungnatna huaisia lamtua ding a hi'dante a va gen piak ngei hi. Himaleh, a la taksan lo zia un Lalpa lungnatna chun a mangthai tau a hikha. Ahi'n, Lot leh

a inkuante vang, Lalpa lungnatna ziak ah khawpите chung ah siatna huaisia apat hukdaw in a la um ui.

Tulai tak i gam buaina' u hi, Thanhuaina, Hiamngamna, Chapona, Kinawptelna leh pathian dang biakna i tite lak ah khawipen ziak ah buaina tuak i hi diam ti la ngaitua ngai em? Kidona leh gawtna khawvel in a tuakte haw hi, a ziak leh zâl um chiat a hisek ui. A ziak ding ah kilawm tamtak um maleh, ei uh thingtângmi, Pathian gingtu, tamlo chakhat te, i chenkawmpite' u tawh kido ah In leh lo tamtak i chân bep uh hilo ah, luang tamtak i chân ziang uh hi, ei uh tuak di' n hawmthaw umlo tak chu a hi. Bang ziak ah ziagual kidona hi lamtua ziang thei i hiu em? A ziak chuam chuam gen ding um ngei ding a hi. Ahi' n, Lalpa lungnatna gâl hilo ah, Lalpa hepina gâl hizaw ding a hi. Kum tamtak masang apat THANHUAINA te' n i gam a chûm ta, khamthei ziak in bazar dung ah luang tamtak i luak tamai ua, A nu leh pa hiatlo nausen paimang ah

um, khawpi sung leh pâm ah mu ding tamtak a la um ta a hi. Siamtu Lalpa Pathian di' n i thânhuai na' u a huaisia talaw ta, i thânhuai na' u apat Lalpa lam i ngat kit theina ding ua HEPINA GÂL ei tuak sak a diam ti' n ka ngaitua hi. LUNGNATNA GÂL hileh tuni tiang ah i dinzawna ding uh lampi um ta lo a hi.

Awle, A dawigual bawl a mit tungte hukdawk sek Lalpa chu kuate Pathian a hi em? 'Ei uh Pathian a hi' i ti' ngam tak tak diam? "Lalpa, Lalpa, kot ei hawn in a hung tiu a, himaleh, Ama chun, titakzet in ka hil la hiu, nang haw ka hun he'kha puai" a la tisan ta a hikha. 'A mit tung ah um gingtu ka hi' tithei te' n 'Ei uh Pathian a hi' ti ding a zakcha puau a hi. Ziagual titheite bep chun luaitheana ankuang ûm ding a hiu. Ziaziakchun, Lalpa lungnatna Khawvel in banggual lamtua zel ding himaleh, a mit tung ah um gingtute chu Lalpa' n hukdawk zel ding ahi ti i hethei ui. Lalpa' n athu malsawm taken.

“NANG Â DING INLE A THI EM?” (1 Ko. 15:3)

~ Rev. T. Zuanlal
Bethany Kochuam

*“Keima’n ka la mu chu thil pawimaw masa pen gual in ka hun
hilsawn la hiu, Khrista chu Pathian Lekha thu gen gual in, i
gitlo ziak un a hung thi ta’n”*

Sap gam khawpi pakhat ah milim zik thiam tak hin Lalpa Jesu Kraws ah kikhedenna lim hi a zik a, sum muna’n a mang sek hi. Nikhat chu zia a milim zikna mun ah chun naupang khat in a va en ah, a milim zik chu a mu leh mak a sa talua, ama chun, “Hepu, zia pa hi mi gilo takzet hin a maw? Kraws in a khenden ziang ua” a ti ahileh, zia milim zik thiampa chun, “Ama hi mipha ahin, gitlona neilo, migilote’n hukdamna a chan theina ding ua thi a hi” ti in naupang pa chu a hil ta a hi. Zia naupang pa chun, ahi, hepu “Nang a ding inle a thi

em? tia a dawt leh, a dawtna chu a dawnhu thei ta puai. Zan ahi phat in imu ding ah a mit a sin leh zia naupang pa dawtna “Nang â ding inle a thi em?” ti chu a nakhang ah ging zing in a he zing ta mai hi, a imu thei ta kei pua, a tawp in ama le a tho dawk ah a lupna kiang ah khupdin in, Jesu Khrista migilote sik ah a thina ngei chu ama mimal â ding in ginna’n a pawm ta. Jesu kengbul ah soal thupha chawi in a kilân ta a hi.

Kum tampi Khristian a la hita, mi khenkhat chu Nu leh Pa kâl ah seilian, maleh pianthakna diktak neilo, a thu

mai ah Jesu hia, a hinna Jesu neilo tampi a um hi. Simtu nang in, “kihiatchianna nuam Jesu kei a” la tithei ta em?

Midangte kiang ah gensawn ding in mawpuakna i nei ui. Paul in a mu leh a hiatchian chu thil pawimaw masa pen in a ngai a hi. Andrew inle Jesu a mu phat in amasapen in a suapi Peter kiang in a gen hi, Jesu kiang in a suapipa a pui a hi (Johan 1:40-41). Good Friday Sermon thupi pen, Ama (Jesu) chu i gitlonau zia in tha in a um ah, a mak ngei maw nang leh kei gitlona zia in ama a thi mai chu! Midik chun migilo sik in a thi ahi chulam. Lalpa kipiakna thupi tak hi i hiatchian zawk diakna ding in Isai 53:1-6 sim leu hin. Kua ngaisan le lawlo, ei haw migilote, natna chitin kawlte, hivei tizat um tak tak veite, ama Jesu Kraws ah a thawkna zia in sukdam in um ihu. Lalpa chun ama pawmtu hivei, natna, gitlo gawtna zosia a pawta, Kraws in a subei ta a hi (Kol 1:14 ; 2:13,14). Kraws thisan chun i gitlonau

zosia a sil thiang ta a hi (Eph. 1:7 ; Johan 1:7-9). Buak kailo in Pathian mâ ding thei ding ihi tau a hi, Hallelujah!

Zia Kraws thilhithei migilote thiamchanna, mi gilote chawisanna, i kumtuang lampi, gingu nasepna thilhitheina chu a hi.

German khawpi ah thil pawimawtak kawikhawmna In (Museum) a chun Khristiante thil pawimawtak tak Pathian thu a kawinau ah chun Jesu Kraws ah a kikhetna lim hawitak ah kizik in a kikawi a, Kraws nuai ah chun, “En in zia hi nang â ding in ka hi piak hi” a kizik hi. Naupang khat a nu leh a pa te tawh zia Museum chu ava et vel uh leh, Jesu Kraws kikhetdenna lim chu naupang pa lungthim chu ala ten ziang a, zia Kraws lim ma ah chun a dingta mai ah, a tawp a chun, “Thu kiziak chu a vak sim leh, Jesu’n ama kiang ah a gen ngei hi in ahia, ama le milim Kraws bul a chu khupdin in, hiti hin a pauchap ta a hi. Lalpa zia hi kei ding

HINNA VÂK

ah ala thi lahi leh kakipak hi, tumama hi ka Lalpa leh Hukdampa ding in ka hun pawm tai, tiin a pauchap ta a hi. A pauchap zaw a chun kipak tak a, tho dawkh leh lekha kizik chu a vak etnawn kit chun a nuai ah lekha ah kizik dang um chu a hun mu ta. Zia lekha kizik chun, “Nang in kei â ding in bang la hî diam? ti ahia, ama khupdin kit in Lalpa ka hinna nang a ding in ka hun lân hi” ti in a kilân ta a hi. Zia

naupang hi Lêng sungkuan mi ahia, a pitin phat in Morovian Kochuam sung mi Missionary kuandawk lak in a pang hi.

Mithiamte suidan in zia milim zia k thiampa kha a pianthak phat in Jesu Kraws khetdenna lim hawitak zik in Museum in ala kawi a, zia ga chu zia naupang hi a hi. Nang in Lalpa ding in la bawl diam? Lalpa’n simtu zosia ding in malzawl ta hen.

England Lêngnu, Queen Victoria in India gam ah vai a hawm lai in Punjab Lêng chapa chu naupang cha a hi nalai ah, Lengnu a ngaisang zia leh ama â ding ah a ginum zia latsakna ding in Suangmantam (Diamond) hawi leh danglam tak chu a la pia. Zia suangmantam chu London Tower (In sâng) ah a kawi phau a. Lêngpa chapa chu a hung piting phat in Lêngnu zana chibai buk ding in London a va chia veng veng a; Lengnu kiang ah chun a suangmantam piak taksa kha et ding in a dawn a, Suangmantam chu hung ladawk in a khut in a hung lân ua, tichun, Lêngpa chapa chu suangmantam chu chawikawm in Lêngnu ma ang ah chun a hung bawkkhup a, “*Hepi zia sungmantam ka hung piak lai a khan ka thilbawl kha a umzia hechian ding in ka la naupang talua nalai a, tuhin bawl thak kit ka nuam hi. Ka hatna zosia, ka lungthim zosia, ka dawisakna zosia leh kipakna latsakna ding in, ka thilbawl hi a umzia chiang tak ah hethiam kawm in kumtuang â ding in zia suangmantam hi ka hung lân hi,*” a ti tai.

Lei leh Van a thuneitu, Lal Jesu zana chibai buk ah, a kiang ah i taksa leh lunggil kilatdaw thak zing hi chu a pawimaw na lawm lawm e! Lal Jesu kiang a, “Masang lai sang in tuhin ka hung lungsiat zaw a hi,” i ti ve thei diam?



Anngawl Pauchap khawmna

S. Kawtlian Pastor Bial KNP chun Bial KNP Kikhawmpi thupukna bawzuina nei in March 6, 2024 (Nilaini) in i gam a chamna a um kit theina ding in Anngawl Pauchap khawmna Pengjang Kochuam Biak-In in a la nei thei ui.



Kangvai Frontline vena nei

S. Kawtlian Pastor Bial KNP chun Bial KNP Kikhawmpi thupukna bawzuina nei in March 18, 2024 (Seppatni) in Kangvai Frontline vena a la nei thei ui. Zia hun a hin Bialtu Pastor Rev. K. Neihzial in Duty Post 6 ah Pauchapna nei in, Kochuam tin te'n a la dawlkhawm uh Nêk leh châk ding piakna le a nei ui.

KKP HUANG

KKP GENERAL CONFERENCE 2024

KKP General Conference 13-Veina chu 9th & 10th March, 2024 nite in D. Phailian Pastor Bial zintunna'n, Jubilee Kochuam Biak-In mun in Vaiguan gualtak in Vaihawmna, Kitêlna leh Biakna kikhawp te in navâk tak ah matzaw a hi.

General Conference sung ahin ZPYF, Zou Synod leh MPYF, Manipur Synod apat in delegates' mi pathum gel gel hung pangthei in Greetings le ahung gen bawk u'i.

10th March, 2024 Pathianni nitak kikhawppel in Puitu lui leh thak te kikhutsâna Jubilee Kochuam Biak-In mun a, Rev. P.B. Zosaphara puihuaina nuai ah nei a hi.

KKP General Conference 13-Veina Biakna Kikhawp te Video Coverage zintuntu in ala bawl chu, Central Christian Khanglai Pawl Youtube channel ah etthei ding kawi a hi.

KKP Central Committee (2024-2026)

Min	Hina	Bial	Branch
Rev. Lallunglian Vaiphei	Leader	i/c Leijangphai Pastor Bial	
T. Upa V. Thangboi	Asst. Leader	New Lamka	Gangpimual
Tv. Lianmuanthang	General Secretary	D. Phailian	Bible Hill
Tv. Thangmohan	Asst. Secretary	Lamka	Hill-Town
Nk. Tingsiamkim	Treasurer	D. Phailian	Bethany
Tv. Mangzakhum	Finance Secretary	Mata	Buallian
Tv. Thangneikhup	Committee member	D. Phailian	Jubilee
Tv. P. James	Committee member	D. Phailian	Jubilee
Tv. Ginlalsiam	Committee member	New Lamka	New Lamka
Pu Lamjoylian	Committee member	S. Munnuam	Sumtukphai
Pu Lunmichael	Committee member	S. Munnuam	S. Munnuam
Nk. Kimsawnhoi	Committee member	Mata	Lingsiphai

April 2024

Min	Hina	Bial	Branch
Tv. Kennedy Paumuankhup	Committee member	Panglian	S. Zezaw
Pu Henminlian	Committee member	Lamka	Hill-Town
Tv. S. Lalthamuan	Committee member	S. Kawtlian	T. Munjang
Tv. Malsawm Vaiphei	Committee member	Kangvai	Torbung
Tv. Lalminlian	Committee member	Kangvai	Kangvai
Tv. Lalzel	Committee member	Dumlian	Dumlian
Tv. Henry Lamkhohen	Committee member	Sugnu	Dongjang
Nk. Nengneichong	Committee member	Sugnu	Makhao Mission Veng
Ex-Officio-te			
Rev. P.B. Zosaphara		Consultant	
Rev. S. Lama Vaiphei		Executive Secretary	
Rev. K. Neihzial		Synod Moderator	
Rev. Thanglianlal		Synod Secretary (Sr.)	
Pu Nenglalsang		PYF Committee member	



HINNA VÂK

KKP VAIHAWM KIKHAWP LEH GENERAL CONFERENCE ZINTUNTU DINGTE

KKP Vaihawm Kikhawp 8-veina, 2025 :

A mun : Panglian Kochuam Biak-In, Panglian Pastor Bial

A hun : March 7-9, 2025

Thupi : *“Pathian nai un” ~ Jakob 4:8*

KKP General Conference 14-veina, 2026 :

Zintuntu ding - New Lamka Pastor Bial

KKP General Conference 15-veina, 2028 :

Zintuntu ding - S. Munnuam Pastor Bial

VOLUNTARY MASS BLOOD DONATION

Panglian Pastor Bial Khristian Khanglai Pawl te’n Pathian mapuina zal in Bial KKP Conference 16-Veina thupuk bawzui in 16th March, 2024 ni’n **Voluntary Mass Blood Donation** ala nei thei uh hi. District Hospital Blood Bank ah **Thisan Unit 24** donate awa bawl thei u’i.




DECLARATION

1. Title of Newspaper : Hinna Vâk
2. Language in which it is published : Vaiphei
3. Periodicity of its Publication : Monthly
4. Printer's name : Rev. S. Lama Vaiphei
- Nationality : Indian
5. Publisher's name : Rev. S. Lama Vaiphei
- Whether citizen of India : Yes
- Address : Synod Office, TPCS
6. Place of publication : Compound Veng, D. Phailian
7. Editor's name : Rev. S. Lama Vaiphei
- Address : Compound Veng, D. Phailian
8. Owner's name : Hinna Vâk Editorial Board
- Where printing is conducted and premises on which the press is installed : N/A
9. Name & address of individual who owns the newspaper and partners or shareholders holding more than one cent of the total capital : Nil

I, Rev. S. Lama Vaiphei, hereby declare that the particulars given above are true to the best of my knowledge and belief.

Dated, Lamka
The 1st April, 2024


(REV. S. LAMA VAIPHEI)
Signature of publisher